

表

奏狀

祭文

柳

先

生

集



增廣註釋音辯唐柳先生集卷之三十七

表唐頌

禮部為百官上尊號表

憲宗即位宗元尚為禮部員外郎豫作此表後元和三年憲宗方上尊號

臣某言伏以聖王之纂承天位也臣子必竭懇誠獻尊號安敢為佞禮在其中一則以告天地神祇二則以奉宗廟社稷三則以安華夏蠻貊魏巍大稱其可廢乎臣等誠懼誠望頓首頓首伏惟皇帝陛下叶周文之孝德齊大禹之約身



弘帝堯之法天過殷湯之解網未逾周月四海  
將致於時雍俯及元正率土更欣於再造然神  
人之願億兆之情有所不安率謂未盡善者以  
為帝德廣運而尊號猶闕郊廟備禮而祝嘏無  
辭嘏古切允百執懷華夷屬望臣謹按昔皐陶之  
頌舜伊尹之頌湯皆臣子至公面揚君父以敷  
於當代以播於無窮夫豈飾哉率由事實帝王  
尊號蓋漸於此皇家光被四表祖宗列文時當  
太和尊號表德耳目所接簡牘斯存稽之於前

典則如彼考之於聖朝又如此今龜筮習吉元  
正戒期當品物惟新之時乃皇王大禮之日陛  
下郊天地饗宗祧他週切陰陽協和動植交暢  
不建至尊之稱尺証切恐違列聖之心所以臣等

冒死陳聞請上徽號伏惟陛下小謙讓之節安  
延企之情特詔名儒禮官百寮庶尹詳明故實  
議崇聖德則人望允厭神心獲安山川效靈光  
贊無疆之壽祝史陳信一本作信字永彰不朽之功

臣等蒙國寵榮備位班列無任懇望之至

第二表

臣其等言臣等再陳丹懇請獻鴻名天心未從  
隕越無措臣其誠惶誠恐頓首頓首謹按堯曰  
咨爾舜舜曰格爾禹湯曰吾自甚武自號曰武  
王出史記則堯舜禹湯皆當時王者之號也考  
皇帝之故實徵往聖之憲章允協禮經煥乎圖  
牒伏惟皇帝陛下允恭克讓約已謙尊參天兩  
地之功為而不有安上理人之德置而不論至  
心王言非羣下所仰望也然臣等伏以為尊號

大字本  
作至升  
王言

者所以類上帝饗祖宗万人所稱百蠻所仰表  
聖德於率土播天聲於元疆臣下請之之謂禮  
帝王承之之謂孝孝大於讓禮先於讓百王不  
刊之典安可得而廢也臣等又以春秋本於五  
始元者一歲之首春者四時之首王者受命之  
首正月者政教之首郊天大禮者立極之首今  
天地交泰俯臨元辰正始之美正當其運陛下  
確違群願固守謙冲此臣等所以兢惕失圖惴  
惶无措上冒嚴憲敢逃厚責伏乞俯垂天聽察

納微誠詔禮官議臣所請按日推禮虔奉鴻休  
盡敬於此猶恐天光未照三獻无微彷徨闕庭  
伏待斧鑕職自无任聳望之至

禮部賀冊尊號表

元和十四年正月元時為御州  
刺史當題詳辨宗賀冊尊號表

臣某伏奉月日制陛下膺受尊號率土臣子慶  
抃无窮臣聞立極之大四海无以振神功配天  
之尊万物不能崇聖德准有徽號是彰中興所  
以上探天心下極人欲謝伏惟元和聖文神武

此賀冊尊號表

法天應道皇帝陛下統承千載光被六幽盡賊  
及除福應皆集有首有趾咸識太平勳臣增爵  
祿之榮戎士加賞延之寵片善必錄微功必昇  
獨惟聖慕事絕酬答万国缺望切又窺性切百  
工怨思是以啓元和之盛典延昊穹之景祚理  
歷凝命寔曰聖文和衆定功特惟神武運行有  
法天之用變化乃應道之方鬼神協謀夷夏同  
志大禮既建鴻恩遂行歡呼遠而於九圍臣  
溘澆普周於八裔音鹿謂周下究慶超遠

古美冠將來臣獲守蠻荒遠承大典潢汚比  
河清幸遂於千年塵壤均微山呼願同於萬載  
无任慶賀屏營之至

丁屏切

為京兆府請復尊號表三首

德宗時宗元  
為蓋田宗元

臣某言某月日諸縣耆老某等若干人詣臣陳  
狀辭意迫切以陛下尊號未復請詣闕上表者  
人心已鬱安可久違天意實勤諒難固拒摠狀  
感悅深契微誠臣某誠懇誠迫頓首頓首伏惟  
皇帝陛下聖神之功貫於天地文武之道超乎

古今

皇朝通志卷之九十九

神祖盛德愈大而謙光益深玄化已成而徽號  
未復遂使神祇缺望人庶怨思沐浴鴻澤者敢  
懷畧刻之妄捧戴皇恩者不知寢食之適負愧  
懷憤乃方一心日日以冀遂淹星歲况今地不  
愛宝致百穀之豐穰天惟降衷呈衆瑞而繁委  
汚萊瘠鹵之地混成大田加也也亦作也亦作  
草木蟲獸之微化為神貺万靈垂鑒昭然甚  
明此而不從臣所大感矧又兵戎未戢夷狄咸

懷昭然長春

昭魚

本

樂以終日是以耆老等深

感聖育踴躍不寧上奉天恩踴躍知懼

踴躍

頓頽闕下願復鴻名不謀而同無期而至此皆

上玄幽贊以誘其衷列聖垂靈以悟其意臣以

為陛下當敬于斯旨不可忽也臣又伏以陛下

實功與能率賢出滯小言不廢片善是褒豈可

使臣子之效雖微而必施君父之德盡美而無

虧凡在覆載孰不驚惶四字不勝懇禱恐懼之

至一作本恐懼謹封耆老等狀奉表昧死陳請以

謹言

第二表

關

第三表

臣某言臣伏以耆老等並發丹誠將貫白日請

復徽號以光聖壽臣以其懇款自中不可察止

遂抗表陳請備述微誠伏奉墨詔批荅未蒙允

許者眾心尚阻天意未從懇迫逾深兢惶無措

臣某伏惟皇帝陛下道大益謙化成彌損雖江

海喜下每應朝宗之心

者子云江海所以能為

樂以六  
字本正  
一作無

而日月居高久稱照臨之位况復上承天命下  
親人誠若然辭之理有不可伏以陛下功參造  
化政體乾坤萬邦宅心百靈效職此聖之至也  
明並兩曜信如四時先天不違窮神知化此神  
之極也道德純被禮樂興行宸翰動於三光睿  
藻窮於六義此文之備也五兵不試周禮五兵  
首身七德咸宣左傳襄公十二年夫武禁恭也  
武有殊方者知歸負固者率服此武之成也黃  
龍皓兔甘露慶雲神禾嘉瓜祥蓮瑞木萬物暢

遂百穀茂滋此天之至靈也黎老班白伏守闕  
庭鰥嫠童幼發陸誼歌道路此人之至誠也有  
其德而無其號拒乎天而違乎人雖陛下謙讓  
之至美抑非臣心之所安也伏以賤志難明微  
誠莫達戴天弥懼履地益慚不任懇迫屏營之  
至伏願早建大號以称天人之心謹再奉表昧  
死陳請以聞

為耆老等請復尊號表二首

京兆府長安縣耆老臣某等言

一本无  
一本首字  
一本作石靈等  
一本作石靈等



越或切霄臣伏以陛下尊號未復一十九年盛德

彌光大化益被光大大一本加以休徵咸集福應

具臻至於今歲紛綸尤盛風雨必順生長以時

五稼盡登萬方皆稔神意人事正在於斯天不

可違時不可棄臣等誠懇誠迫頓首頓首臣聞

恩深必報德盛必崇以陛下九重之尊推崇无

上以陛下四海之大報效何施唯有尊名用光

聖理闕然未復誰所敢安臣心則微天意甚重

伏惟皇帝陛下體昊穹以施化慶上帝以致誠

今即千祥應期百神奉職飛走之物皆已效靈

草木之類咸能應聖天命降於上人誠發於中

此而可辭孰云有奉况復野多滯穗畝有餘糧

是食之慶充溢於京垣垣与垣同直飢切水中

如京垣阜財之謠歡呼於道路盡非人力皆是天

威神祇之望既勤遐迩之心又迫况臣等得生

邦甸幸遇盛明身軀髮膚尽歸於聖育衣服飲

食悉自於皇恩被玄化而益深望鴻名而未覩

墜倒之至夙夜不寧謹詣光順門昧死請復聖

神文武之號以副天地宗社之心使海內赤子得安其所臣等不勝懇倒迫切之至謹奉表以聞

第二表

一本以此表補京兆府請復尊号第二表之闕

京兆府長安縣耆老臣石靈等言伏奉墨詔批臣所請復尊號未蒙允許者捧對惶遽不知所裁天實命之於臣何有臣等誠懇誠懼頓首頓首臣聞聖君以奉天為心不以執謙為德以順人為大不以崇讓為優今陛下深拒天人之誠猶懷謙讓之道臣等愚惑未知所歸且百祥壽

臻特表昊穹之睠

音倦切

五穀蕃熟用彰后土之

勩億兆嗷嗷籲天請命上下交應幽明同心舉而違之臣所未識况臣等共被仁育同臻大和陛下德達上玄以豐人之衣食道躋壽域以延臣之歲年沐浴皇風二十餘載兒童感化鰥寡知恩故臣等出鄉之時歡呼遍野閭里勉臣以不進不止妻孥誓臣以不遂不歸唯竭血誠退無面目便當殞首闕下終不徒還伏惟陛下照臣懇迫之情一本作誠字哀臣羸老之命臣等不勝

嗚咽慙恨之至謹奉表陳謝以聞

禮部為文武百寮請聽政表三首

順宗時潘本作四首

臣某等言臣聞大道必體於至公大孝莫高於善繼上觀列聖旁考前王罔不俯就禮文仰承大事嚴奉宗廟慰安元元然後德政惟新邦家永固伏惟皇帝陛下寢苦泣血苦詩廉以草也居喪以為覆席號慕無時貫于神明動于天地未臨庶政猶狗至誠凡在人臣孰不哀懼伏惟先聖遺旨俾陛下抑哀而聽政本朝之人使臣等竭忠以奉上

非敢懼死輒布懇詞期於必從以慰寰宇且王業至重軍國方殷一日萬機不可暫闕伏願追遵顧命蹈履成規恢王者華夷之望順上帝乃眷之懷臣等不勝哀迫誠懇之至

第二表

晏元獻本據文苑英華此表乃是林逢請聽政第三表

伏奉大行皇帝知陛下至性自天恐陛下執哀過毀上惟九廟之重下念萬務之殷故遺詔丁寧俾遵舊典今百辟卿士顛然在庭瞻望清光已七日矣固陳誠請猶未允從內外憂惶莫知所

此為伏

出臣聞大孝之本繼志為難酌禮之情得中為貴是以哀迷期數哭泣有常俯而就之聖人所重禮記檀弓上子思曰先王之制禮也過之者俯而就之不至焉者跂而及之知難繼也君子不為同上季子臯曰買道而莖後難繼也伏願少抑哀懷仰遵理命治也以副神祇之望以安億兆之心先祖業於無窮流德化於天下凡在臣子孰不悲戴

又第二表

晏元獻本按文苑英華此乃宗元所作

臣某等言臣聞聖凡殊塗邦家異禮故王者捨

已從物用身許天雖居達喪達即通也猶以事奪伏

以大行皇帝

謂德宗

道成鑄鼎仙等御龍

黃帝首山

鼎荆山下鼎既成有龍垂胡鬚下迎黃帝黃帝上騎後宮从上龍者七十餘人因名其処曰

萬姓長號平九有顯望陛下以聰明睿聖嗣

守寶圖爰及宅憂迨茲累日而孝思罔極尚輟

乃雍之言

高宗諒陰三年不言言乃雍

庶政未釐頗闕如絲

之命臣等嘗覽載籍粗知喪紀若成周顧命歷

代猶遵西漢詔音前王所奉

詔音一本作遺詔謂漢文帝遺詔

天下以我國家以孝理天下文明應期上用此

法胥以傳授蓋事歸至當則不可不遵禮貴從  
宜則不得不守理固然也臣等是以上陳愚懇  
輕瀆宸嚴冀遂血誠俯親國政而陛下執喪逾  
切聽理未聞億兆嗷嗷不知所誅臣以為天子  
之孝在於保安社稷司牧烝黎功超百王慶流  
萬代亦何必守臣下之小節蔑皇王之天猷固  
阻羣情務成謙德伏願以遺詔為念奪在疚之  
懷就臨軒之制天下幸甚

第三表

伏以萬機至重遺旨難違再獻表章上塵棟宇  
精誠徒竭天意未迴內外遑遑人神企望臣聞  
王者之孝異於匹夫禮不相泐余事切道資適變  
當承平之代故殷帝宅憂而不言商高宗遇有事  
之時則周王未葬而誓衆武紂王況今戎車猶駕  
邊候多虞兩河之寇盜難除百姓之瘡痍未合  
亂者思理危者求安天下嗷嗷正在今日誠宜  
抑其至性以副羣心成先帝之大功繼中興之  
盛業豈可寢苦啜泣若詩廉切庶政闕然九廟

之靈何報萬方之望何塞臣等職參樞近誠切  
邦家若陛下未忍臨軒尚持前志臣等有死而  
已不敢奉詔不勝哀迫懇切之至

賀踐祚表 順宗即位宗元代節鎮作此

臣某言太子中舍嚴公弼至公弼乃山南西道節度嚴震之子

奉某月日勅書慰諭伏承陛下以其月日虔奉

典冊允昇寶位凡在羣生孰不慶幸臣某誠懼

誠抃頓首頓首臣聞天地泰而聖人出雷雨解

而品物榮解是以五行迭用水火更其位十

業重光宗廟輔其德殷宗龔默再開成湯之業

漢文聰明克承高祖之緒陛下重離出曜躔乾

繼續主鬯彰孝恭之美撫軍著神武之功欽承

遺訓承一本未保鴻業過密之中施雨露以被

物遐邇之地觀日月之繼明則四維之外八極

之表人神胥悅草木皆春煦嫗生成不失覆載

初天以氣煦地以形况臣謬膺藩守累受國

恩爰自出身治乎領鎮沐浴聖澤優游昌時不

獲觀闕庭之禮展臣庶之分戴天賀聖倍萬恒

情

禮部賀改永貞元年表

宗元為禮部  
即中賀憲宗

臣某等言伏奉今日詔今日九月九日冊皇帝改貞元二十一年為永貞元年自貞元二十一年八月五日昧爽以前應犯死罪特降從流流已下遷降一等者實命方始聖曆周彰載宣臨照之明遂施渙汗之澤臣某等誠慶誠賀頓首頓首伏以重光下濟積慶旁行漢祖推奉教之尊前漢高祖紀詔曰子有天下尊歸於父朕被堅執統

聖文王遂無憂之志

中肅无憂者其惟王為子

正名紀曆

名明本

表運行於萬方有過輕刑流

汪濊於四海

濊於廢鳥外二切汪濊深廣也又言饒

歡呼抃蹈

通攸同臣某等親奉聖暮仰承大化踴躍之至倍萬恒情無任蹈舞欣慶之至

禮部太上皇誥宜令皇帝即位賀表

順宗傳位憲宗

臣某等言伏奉今日太上皇制命陛下即皇帝位光奉寶圖丕承鴻業溥天率土慶躍難勝臣某等誠喜誠抃頓首頓首臣聞皇建其極存諸

大訓帝出于震著在易經繼明以照于四方重  
熙以臨於萬國動植品彙永賴昭蘇山川鬼神  
咸用欣戴臣某等獲備班列親仰聖明踴躍之  
誠倍萬恒品無任抃躍喜慶之至

禮部賀立皇太子表

廣陵王  
即憲宗

臣某等言伏奉今月二十四日制廣陵郡王宜  
冊爲皇太子改名某仍令所司擇日備禮冊命  
者天序有奉皇圖載寧臣某等誠慶誠賀頃首  
頃首臣聞尚書載以貞之文漢史傳早建之議

前漢文  
帝紀

不惟立愛其在繼明

一本其  
作期字陛下奉率

前規敷揚盛典顧茲守器之重爰正承華之位  
尊義方之教載錫嘉名崇建樹之禮式光典命  
以長而立自符於慎擇必子之選遂合于至公  
邦本不搖王業彌固此皆宗社垂祉啓佑皇心  
乾坤合謀保安聖運足以播休氣於四海洽大  
和於萬靈食毛含齒所同歡慶臣等奉承制命  
蹈舞周行踴躍之誠倍百恒品無任慶抃感悅  
之至謹奉表陳賀以聞



禮部賀皇太子冊禮畢德音表

貞元二十一年

臣某等言伏奉今日制皇太子冊禮云畢思與萬方同其惠澤者盛典斯舉鴻恩遂行允在率土不勝抃躍臣某等誠喜誠賀頓首頓首伏惟皇帝陛下克奉神休以正邦統建天下之本宗廟以安致萬國之貞兆人攸賴典冊旣備慶澤載流既廣愛而推恩亦好生而布德緩刑而圜圉知感進勲而嗣續增榮崇教諭之方忠良是舉嚴贊襄之禮賜與有加襄一本旌孝悌以厚於

人倫敬鬼神而修其祀事况行禮之日則屏翳收竚太陽宣精用彰出震之休更表重離之曠神化旁暢皇風遠揚自華及夷異俗同慶臣某等謬參著定倍百恒情無任懽慶踴躍之至

為王京兆皇帝即位禮畢賀表

代王權賀憲宗

臣某等言臣聞大人繼明百神所以受職天子有道萬國由是承風伏以白帝陛下纘聖垂休順時御極負袞而會朝夷夏豈聽踐祚而統和天人幽明感通遐邇昭泰遂使祥光下燭嘉氣

旁通周王謝流火之符魯史愧書雲之典食毛  
含齒懼抃無窮臣某等幸覩昌時獲奉大慶踊  
躍之至倍萬常情無任蹈舞欣躍之至

代韋中丞賀元和大赦表代永州刺史

臣某言伏奉正月二日制大赦天下永貞二年  
耳改元和元年太陽既昇煦育資始霈澤斯降  
膏潤無遺臣某誠慶誠賀頓首頓首伏惟皇帝  
陛下仁化旁流孝理弘闡紀元示布和之令肆  
青見恤人之心曠然滌瑕得以遷善渙發大號

唐叙叔保  
房叙

申明舊章農有薄征市無強價勲勤是錄爵秩  
以班寵寧間於幽明澤必周於夷夏近甸輕權  
酌之入遠人忘水旱之災既行慶於官寮亦推  
恩於天屬諸生喜饗塾之廣庶老加絮帛之優  
量入所以備凶興康期於變俗爰褒有客尊賢  
之典惟新詩周頌有客謂載奉素王宗予之道  
斯在記禮弓孔子曰綸言一降庶政畢行懷生  
之倫感悅無量臣某等守在遐遠親奉詔條踊  
躍之誠倍有恒品無任感恩抃舞屏營之至

禮部賀冊太上皇后賀表

憲宗即位太上皇

臣某等言伏奉今日日誥良娣王氏冊太上皇

后音弟太良媛董氏冊太上皇德妃

子有死有良娣宜令所司備禮冊命者母儀有光坤道克順

陰教方行於萬國內理克和於六宮臣某等誠

慶誠賀頓首頓首伏惟皇帝陛下對若天休奉

揚睿旨長秋既登其正位長秋皇后所諭狄亦

被於恩光諭音搖刻惟此謂皇德妃奉養見三

朝之安禮周旋有四星之輔史記天

宮四星未火星正豈獨配乾稱大助日為曠所

以表王化之源知孝悌之本冠映千古儀刑四

方臣某等捧戴施行踴躍無地無任蹈舞欣喜

之至

禮部賀太上皇后冊畢賀表

末貞元年

臣某等言今日日太上皇后冊禮云畢率土臣

妾慶抃無窮臣某等誠慶誠賀頓首頓首伏以

太上皇后著虞嬪之至德嗣周母之徽音表率

六宮明彰萬國陛下克修理本以暢化源神道

知事地之方人倫識尊親之大豈惟婦順斯備

陰禮用修其以播正始於王風王一本致時雍

於帝典臣某等謬塵榮位獲覩盛儀踊躍之誠

倍百恒品百一本

賀皇太子代藩鎮賀廣

某言伏奉月日制書殿下祇膺茂典位副青宮

青宮東宮也神異經曰東方有宮青石為牆高三

三切門有銀榜以青石碧溫文光三善之名禮記又王世子篇行一

切而云恭繼照協重萬葉固本羣方宅

心含生之徒孰不欣戴况某夙蒙期獎職在

方懼抃之誠倍萬恒品

御史臺賀嘉禾表貞元中劉齊所進

臣某言今日日宰臣以幽州所進嘉禾圖各一

軸示百寮者伏以嘉穀順成靈貺昭格天人合

應遐邇同風臣某誠懼誠慶頓首頓首伏惟皇

帝陛下睿謀廣運神化旁行植物知仁祥圖應

聖靈嶽不愆於贊祐燕谷用遂於生成鄒行泰

豐稔既均知朔南之被澤休嘉克叶見天地之

同和六穗慙稱於漢臣司馬相如封禪書嘉穀六穗異畝駐書於周典自中形外均慶同歡臣某謬職憲司獲覩休瑞無任抃躍之至

禮部賀嘉禾及芝草表貞元中韋皋崔宗所進

臣某等言伏見今月某日內出劔南所進嘉禾圖及陝州所進紫芝草示百寮者珍圖煥開瑞彩交映遐邇偕至福應攸同臣某等誠慶誠賀頓首頓首伏惟皇帝陛下緝熙至道保合太和天惟發祥地不愛寶嘉禾擢質靈草抽英獻于

玉庭唐叔慙同穎之異尚書薦諸郊廟班史謝

連葉之奇前漢武帝紀其泉宮生芝草九莖連葉既呈蕤蕤之祥

蕤貌又魚力切更覩煌煌之秀豐年斯著聖

壽用彰飲和之人權抃無極臣某等優游至化

披翫殊姿慶抃之誠倍百恒品

京兆府賀嘉瓜白兔連理棠樹等表貞元中

臣某言今月日中使王自寧出徐州刺史張愔

愔挹淮切張建封之子所進嘉瓜圖及白兔兒一并出陳

許等州觀察使上官說所進許州連理棠樹圖

示百寮者。惟天眷命。是降百祥。惟聖欽承。用膺  
多福。臣某誠慶。頓首頓首。頓首。臣伏以大和所  
蒸。至德斯應。圖物獻瑞。周於遠方。神瓜合形式  
表綿綿之慶。異崇連質。用彰燁燁之榮。一本况  
金風發祥。白兔來擾。告有秋之嘉應。著成歲於  
神功。雜遝紛綸。遝太合切。雜如山斯委。人盡登  
於壽域。物咸暢於薰風。况臣特感深恩。欣逢衆  
瑞。踴躍之至。倍萬恒情。

禮部賀甘露表

貞元二十一年宗元遷禮部員外郎掌尚書牋表

臣某言。中使王自寧至。伏奉宣聖旨。出延和殿  
前。丁香樹甘露一大合。示宰臣。未時又出一大  
合。令明日示百寮。甘露見降未止者。玄化升聞。  
靈貺昭答。必呈尤異之應。以告天地之和。臣某  
誠歡誠慶。頓首頓首。伏惟皇帝陛下。均煦育之  
功。敷滂澍之澤。大和潛達。闕瑞克彰。發於天霽。  
特降宮樹。朝光初燭。方湛湛而不晞。畏景轉炎。  
更瀼瀼而未已。綴葉而珠璣。積糴盈器。而冰玉  
呈姿。芳襲椒蘭。味兼飴醴。飴音怡然則零於庭

而著異紀於年以標奇。漢宣帝徒矜往辰孰並茲日况樹有下香之珍殿即延和之號所以著芳風之遠播期聖壽於無疆事絕古今慶傳遐邇臣謬承渥澤獲覩殊祥抃躍之誠倍萬恒品。禮部賀白龍并青蓮花合懽蓮子黃瓜等

表

一本此下注云京兆思非

臣某言伏見今日內出滄洲所進白龍見圖又出西內定禮池中青蓮花并神龍寺前合歡蓮子示百寮二十三日又出益州所進合歡黃

瓜圖者二氣交泰萬國同和動植恩協於殊祥遐迩畢陳其嘉應披圖按牒聖理彰明臣誠歡誠慶頓首頓首伏以天地非遠睿感必通疊瑞重祥累集宮禁池蓮表異靈化非常敷彼清光徵佛書而尤絕成其嘉實驗祥經而甚稀積慶旁流自中徂外遂使龍騰白箕乘秋果應於金行瓜合黃中表聖更彰於土德遠通邊徼近出苑囿合慶同歡周於億兆况復邦畿之內兩膏必時宿麥大穰嘉穀滋茂和風孕育。一本秀字

氣陶蒸是皆發自帝心達於天意周流升降成  
此歲功惠彼羣生自爲嘉瑞臣某深惟多幸獲  
遇斯時觀靈貺之備臻知人和之溥洽無任慶  
抃躍蹈之至

禮部賀白鵲表

臣某言伏奉達旨宣示前件白鵲者霜毛皎潔  
玉羽鮮明色實殊常性惟馴狎臣聞聖王之德  
無所不至有感則應無幽不通伏惟陛下恩靈活  
勳植仁洽飛翔故俚茲禽呈休效算伏以白者

正色式表金方鵠以知來准補式彰冠服用符  
歸化之兆克耀太平之階臣職參禁垣獲覩嘉  
瑞無任慶抃之至

禮部賀嘉瓜表

臣某等今日內出浙東觀察使賈全所進越州  
山陰縣移風鄉百姓王獻朝園內產嘉瓜二實  
同蒂圖示百寮者寶祚惟新嘉瑞來應式彰聖  
德更表天心臣某等誠慶誠賀頓首頓首伏惟  
皇帝陛下保合太和緝熙庶類德馨上達神化



旁行嘉瓜發祥來自侯服質惟同帶見車書之  
末均地則移風知化育之方始雖七月而食  
土歌王業之難五色稱珍東陵詠佳賓之會  
宗詩昔問東陵瓜在青門外五色耀朝日嘉賓四面會未聞感通若斯昭  
著者也臣某等遭逢聖運親仰珍圖抃躍之誠  
借百忭品無任慶悅之至

為王京兆賀嘉蓮表

王權

臣某言今日某時中使某奉宣聖旨出西內神  
龍寺前水渠內合歡蓮花圖一軸示百寮者祥

圖煥開異彩交映替天地之合德表神人以同  
歡臣某誠歡誠慶頓首頓首伏惟皇帝陛下道  
協重華慶傳種德陶陰陽之粹美孕造化之精  
美吉慶每見於天心發祥必自於禁掖是使雙  
華擢秀連蒂垂芳香激大王之風影耀天泉之  
水沈約宋書文帝永嘉二十二年天泉池二連同幹煥開宮沼旁映給  
園謂給孤獨園也靈貺應期天龍護聖寶曆重  
超於小劫神功允洽於大千臣某獲覩昇平濫  
看榮寵聞瑞應而稱慶仰績事而增歡無任抃

蹈喜躍之至

為王京兆賀雨表

一本表下

臣某言。臣昨日面奉進旨。以近日少雨。今月內無雨。即須祈禱。今日便降甘雨者。天且不違神。必有據密雲與綸言。繼發時雨。將天澤並流。臣某誠歡誠慶。頓首頓首。伏惟皇帝陛下。憂切蒸黎。慮深稼穡。思彼未兆。防於無形。滂澍每出於湛。恩變化必隨於廣運。宸衷暫愴。已矯御天之龍。聖壽既宜。遂洽滂泉之澤。雲對周布。雲徒威切。對徒對切。

聖壽既宜。遂洽滂泉之澤。雲對周布。雲徒威切。對徒對切。  
知帝力之玄通。官吏歡呼。見天心之默喻。臣某救人京邑。動仰皇靈。渥澤徒加。涓滴無助。無任感悅屏營之至。

王京兆賀雨表二

臣某言。臣伏見今月二十四日。時雨溥降。伏以聖心積念。天意遽迴。移造化之玄功。革陰陽之常數。臣某誠慶。誠抃頓首。頓首。皇帝陛下。仁育蒼生。恩同赤子。自頃天雨未降。時稼或愆。貶食

齋戒至誠幽達又慮宿麥無備播種失時出於  
宸衷特令賑貸時一本睿謨潛運其雨遂周布  
濩垂陰隨聖澤而俱遠滂沱積潤與恩波而共  
深臣某才術無聞謬司邦甸生成必資於帝力  
進退何補於天工沐浴大和慙荷無極無任慶  
躍屏營之至

王京兆賀雨表三

臣某年今月十三日面奉進<sub>吉</sub>緣自春來少雨  
宜即差官精誠祈禱者十四日臣便差官分赴

靈跡其日雲陰四合至十五日甘雨遂降伏惟

皇帝陛下言為神化動合天心未成旱暵之虞

已積幽勤之慮衆靈受職奮蔚且躋於南山蒼

外百穀仰榮滂霈遂霑於東作穀仰去声左傳百

曆暮朝降膏澤夕周知天人之已交識陰陽之

不測然則周王徒勤於方社殷帝虛美於桑林

豈若無災而早圖未禱而先應化超前聖道貫

重玄徧野同歡傾都相慶臣之欣躍倍萬恒情

王京兆賀雨表四

臣某言。臣於三月二十九日奉進。於諸靈跡處祈雨。至三十日。甘雨遂降。者臣聞。惟聖有作。先天不違。發令而祥風已興。致誠而玄液旋被。臣某誠欣。誠賀。頓首頓首。伏惟皇帝陛下。側身防患。道邁周王。盡力勤人。功超夏后。聖謨廣運。驅百靈以從風。神化旁行。滋五稼而流澤。油雲四合。膏雨溥周。農壤遂一。於肥饒。與境同。滲漉盡。霑於遐邇。蒸黎詠德。知必自於聖心。草木欣榮。如有感於皇化。有年之慶。實在於斯。臣以無

伏大字  
李在款

龍謫。嶺京邑。上勞宸慮。運此歲功。無任喜懼。昇營之至。

賀親自祈雨有應表五

想是為外字。體要既州刺史作詠。亦佳。

臣某言。臣得上都院官金部員外郎韓述狀。報以時雨未降。親自於龍堂祈禱。有靈禽羣翔。自成行列。如隨威鳳。以翼龍舟。其日降雨者。謝伏以時。或憇陽歲之常依。式當聖日。無害豐年。陛下敦本務農。憂人閔雨。宸慮所至。天心自通。故得瑞鳥迎舟。捲商羊之舞。與而孔子曰。天

將大商 仙雲覆水 協從龍之徵 初泛酒於上  
富遂滂霈於率土 自中徂外 皆荷生成 雨公及  
私靡不碩茂 殷后徒勤於自翦 左氏春秋以  
其於秦材其髮 周公空媿於舞雩 禮春官  
則奔 臣以庸虛謬司垣翰有年之慶 惟聖之功  
臣慕不任 云云

增廣註釋音辯唐柳先生集卷之三十七

增廣註釋音辯唐柳先生集卷之三十八  
表

為裴中丞賀克東平赦表 佳管觀察使裴行立

臣某言伏奉月日德音以淄青蕩平褒功宥罪

布告遐邇者 元和十四年淄青都知兵馬使劉

西管淄青登萊沂密鄆曹濮齊 臣聞肅殺之後

每致陽和雷霆既施必聞膏澤謝伏惟陛下體

乾剛以運行叶坤元之翕闢百靈受職六合從

風阻兵怙亂者必就梟擒懷忠抱義者無不甄

錄

延甄切激其效順特加旄節之榮

謂以劉悟為

寵

以元功遂兼鼎鉉之任

謂田弘正加檢校司

事

戎行窮賞賚之重

即行戶切死事極褒卹之優劫

脅之役盡除聚斂之名皆去傷痍受煦

吁切老

疾加恩豐財已復其征徭賜種更盈於種

陸音

陸嚴山川之祀神必有依申義烈之家物無不

感周王推忠厚之化漢帝慙愷悌之風太平之

德斯為至盛

一本作太平之業既

然則虞巡可

復告成將慶於岱宗漢典方行講禮再榮於關

玉

後漢書帝過孔子

臣謬膺重寄獲覩大和

抃蹈之誠倍萬恒品謹已施行郡邑宣示軍戎

莫不動地歡呼若醉千鍾之酒騰天鼓舞如聞

九奏之音

趙簡子夢遊

無任慶賀踴躍之至

柳州賀破東平表

元和十道

臣某言即日被觀察使謀李師道以月日克就

秉戮者

秉堅堯切

帝德廣運

唐命惟新靈贖

廓清

靈莫切也陰而風日

天地貞觀率土

臣庶慶抃無涯

中謝伏惟睿文聖

武皇帝陛下威

使百神德消六沴五行氣之相與即計二切

天降寶運時歸太平自克夏擒吳翦蜀平蔡

鬼妖尚聞悖慢庭議既得廟謀必臧群疑革心唯此

旗燭耀於洪河金鼓震驚於靈岳東岳鄆城自

潰寧同苜魯之爭鄆王問切唐鄆州東平郡在

矣齊地悉平無俟取陳之戰古辛切功光武詔

陳後等擊祝五兵未戰七德無虧左傳武舍生

比克舜之仁率土成康之俗命丘霧思巴望

華華之來文選南都賦沂水風生更起舞雲之

誅千歲之統實在於斯臣守在蠻荒獲承大慶

扑躍之至倍萬愷情禹思受益無疆惟卹既開

持盈之戒介丘霧息云云

代裴中丞賀分淄青為三道節度表裴行

臣某言伏見某月日制分淄青諸州為三道節

度都團練觀察等使者元和十四年分李師道

鄭氛沴之餘盡成和氣伏惟皇帝陛下天付昌

蛇豕之穴忽為樂

道密為一道

期神開寶曆復昇平之上宇。挾扶孽之根源。日  
西自東不違於指顧。我疆我里咸得其區。分山  
川備臨制之形。道塗適征徭之便。俾侯既定。賜  
履以寧。左傳僖公十四年齊管仲曰賜異青兖  
之封。爰從古制。解曹衛之地。實契雅諫。左傳僖  
八年分曹車甲未藏。馬牛勿用。俗被雍熙之化。  
代知仁壽之期。農事載盛於耨耨。轉九豆切  
又治谷具儒風重興於俎豆。是使季札觀魯  
更陳南籥之儀。左傳襄公二十九年且季札山

甫徂齊復正東郊之賦。詩烝民臣摠戎遠地不獲

陪賀闕庭。云云

為韋侍郎賀布衣竇羣除右拾遺表韋夏卿所薦

臣某伏見今日日制除布衣竇羣右拾遺者。臣  
聞直道之行四方嚮德。逸人是舉。天下歸心。中  
臣伏以竇羣肥遯居貞。苞蒙養正。學術精果。操  
行堅明。讚詠道真。以求其志。頃守藩服。特所委  
知。及歸朝廷。輒有聞薦。庶逃竊位之責。以塞曠  
官之尤。豈謂天聽曲從。瞽言無廢。况諫諍之職



政化是參擢於布衣久無其比周行慶抃林藪  
震驚晦跡寧慮於遺賢懷才盡思於展效臣以  
性本庸疎動無裨益唯思進拔以報恩榮區區  
懇誠實貫金石言而不廢微臣敢竊於薦雄音  
薦揚雄德必有鄰聖代式光於尊隗燕昭王自  
待詔郭壘羣受命冀復面陳迫以疾病接於休假注心蓄  
念寤寐競惶無任喜躍屏營之至

為樊左丞讓官表

一本作韋左丞

臣某言伏奉今月二十八日制除臣尚書左丞

寵命俯臨慙顏自失泛大鯨之海但覺魂搖戴  
巨鼇之山未如恩重謝臣聞尚書有揆翊亮萬  
機故天上尊北斗中樞陛下有南宮左轄晉昇  
孔坦諒直當時漢拜楊喬閑練故事庶得百寮  
有憚於會府諸侯取法於京師臣實謏才謏先  
也謬登清貫握蘭起草昔紊朝經剖竹頒條近  
貽人瘼備歷中外無聞聲彩版圖載緝貢賦未  
均於九州銅印更操威儀不檢於三署次即補  
缺豈易其人聖主求才宜難此受切竊謂旁求俊

又側訪瓌奇瓌古切必使德合準繩言成綱紀興  
化致理時無間言况安上必在於薦賢危身莫  
踰於曠職倘蒙垂收紫渙謂詔書也今非俯矜丹  
誠愚臣保陳力之言聖鑒有責成之地無任覲  
冒惶悚之極謹詣朝堂奉表陳讓以聞臣所讓  
人別狀封進

為王戶部薦李諒表王叔文

臣某言臣聞知賢必進忠臣之大方擇善而居  
明主之要道况臣特受恩遇超絕古今報國之

誠寤寐深切是敢竭愚臣之微分助陛下之至  
明恢張羽儀弘輔瓌化臣某誠惶誠恐頓首頓  
首切見新授某官李諒清明直方柔惠端信強  
以有禮幹而甚文幹一本敏求之後來略無其比  
臣自任度支等副使以諒為廵官未及薦聞至  
某月日荆南奏官勅下赴本道諒實國器合在  
朝行臣之所知尤惜其去伏望天恩授以諫官  
使備獻納冀他日公卿之任斯為取斯則聖朝  
無乏士之名微臣緩蔽賢之罰無任誠懇屏營

至極深  
一作斯

作紫渙  
乃不似

之至

為戶部王叔文陳情表

貞元二十一年王叔文母死匿喪不發置酒翰林自稱母疾若今當請急左古竊語曰母死已腐方留此將何為

臣某言臣母劉氏今月十三日忽患暗風發動

暗一本狀候非常今雖似退猶甚虛憊都活切

驚惶憂苦不知所圖臣唯一身更無兄弟侍疾

嘗藥難闕須臾伏乞聖恩停臣所職今臣見在

家扶侍其官更等並已發遣訖臣以庸微特久

顧遇授自卑品委以劇司夙夜兢惶唯思答效

至誠至懇天睠所知豈慮未效消塵遽迫方寸

蜀徐庶指心曰今失老母方寸亂矣以開塞重輕之務加焦勞憂

灼之懷雖欲徇公無由枉志况忠孝同道臣子

之心許國誠切於死生報親忍忘於顧復進退

窮蹙昧死上陳無任惶懼懇倒嗚咽之至一本

死上陳候母劉氏疾亦小瘳莫微臣驚蹙再救無任云云

代裴中丞謝討黃少卿賊表

元和十四年詔挂管觀蔡

使裴行立討黃洞蠻

臣某 云云 即日秦事官米蘭迴伏奉手詔 云云

者臣聞虜革既平雖疥癬而必去 夫齊魯晉諸

侯齊豺狼已斃在狐鼠而宜除臣某謝伏惟元

和聖文神武法天應道皇帝陛下受命上玄底

寧下土兇渠盡殄威武載揚蠢爾腥膻尚聞變

暴靈旗斜指 漢武帝代粵以牝荆登播日月北

史奉以拍銅獸俯臨所即銅虎符三軍知必勝之

方萬姓喜永清之路微臣忝司戎律親列顏行

行戶即切前漢嚴助傳注顯也躡伏波之舊規武

馬援擊交趾軍乘下瀨之故事漢武帝元鼎五年

出桂陽下滄水甲為下瀨將軍下營語注瀨盡瘁

事國期畢命於戈矛不宿于家思奮身于原野

即以今日某時出師就道便披榛蹶石摩壘陷

堅 左傳宣公十二年 蕩清海隅永息邊徼切以

才非充國敢自贊於無踰 前趙亮國曰志慕孟

公庶追蹤於不伐 論語孟之 諺承重委寤寐兢

惶無任感恩隕越之至

為裴中丞奉人自代伐黃賊表

五之剛  
軍改而  
殿何以  
引用

伏以某官器宇端方風姿詳雅謙虛內敏籌略  
共推前佐湖南悉心匡佐後歷郡掾深負政聲  
惠愛在人姦邪屏息勤勞已著幹蠱無倫今黃  
賊尚據荒陬犬巢未覆倘以某代某之任必能  
掃蕩氛祲氣音分覆子祐廓清海濱竊惟斯人  
雅堪厥職云云

為崔中丞請朝覲表

崔管關察崔詠  
或謂崔能者非

臣歷刺三州連總二府外任逾紀入覲無階就  
白雲魂飛心注伏惟睿聖文武皇帝陛下覆

載無私遐邇同致復昇平之故事繼前聖之高  
蹤中外踐更出入迭用臣以虛薄叨受恩榮徒  
竭夙夜之心未申朝夕之敬天威咫尺誠寤寐  
而無違雲漢昭回固瞻仰而何及是以前在朗  
寧也封章累上及移臨桂桂州今靜江府星紀屢周  
微衷尚隔於戴盆積望徒懸於窺管奏藿之誠  
弥切犬馬之戀逾深入欲天從於茲未驗下情  
上達終冀不誣敢瀆宸嚴罄陳丹懇伏乞賜臣  
除替許至闕庭願蹈舜於羣寮備班行於散地

是越中禁目覩大明俾成九族之榮以盡百生  
之幸非敢竊國賓五獻之禮周禮官希康侯三接  
之恩周禮官一覲龍顏萬死為足無任懇迫激切  
之至

代柳公綽謝上任表

元和六年為潭州刺史湖南觀察使

蕭恭休命晨夜趨程祗荷寵私不遑寢食以月  
日到所部上訖云云臣聞古之制爵祿者爵以  
君有德祿以養有功臣本書生宦不期達值某  
皇帝睿聖文文明撫運大闡玄猷搜采綴才幸

忝甄錄歷踐中外星霜屢移曾無消塵上蒼鴻  
造忘其薄陋委之雄藩顧無綏馭之能謬忝澄  
清之寄將何以敷宣皇澤普諭天慈唯當察慝  
以為防視俗而為教獨除細故務安黎庶幾  
清靜無擾以慰遠人臣不勝忝冒荷恩之至

代李愬襄州謝上任表

元和十二年

捧對絲綸慙悻無地拜命兢悚不知所裁臣凡  
賤瑣才智略無取幸賴先臣緒業愬父累忝國  
恩天澤曲流遂司節制寄深分闔任重專征願

無將領之才，謬處衆人之上，豈謂宸私軫念仁  
育爲心，霈澤無涯，德音屢降，士衆感悅，咸思竭  
忠，遂得濟師，暗入賊境，不意兇渠就戮。吳元此  
皆聖謨，豈敢叨天以爲己力，仰荷殊造，重於丘  
山。臣以日月上訖，謹當敷宣皇化，普諭聖慈，綏  
撫三軍，又安百姓，冀以塵露上卷鴻私。臣

代節使謝遷鎮表

鴻私曲臨，獨越夷等，祇荷明命，寤寐不遑。臣才  
非器能，謬膺仕進，雖竭盡駑劣，力效忠勤，冀寡

德充，敢望聖旨，達其宗皇帝德宗也，不以臣儒術淺

薄，超授禮官，尋迁正貳，遂忝符郡，某皇帝順宗也

不遺臣小善，擢處諫曹，叨承厚恩，備職藩翰，顧

惟瑣劣，多慙負恩，伏遇陛下憲宗也，德紹唐虞，無

私庶政，臣尸素歲久，謹請宜加，豈冀褒昇，更遷

重鎮，再忝澄清之寄，仍同獻替之榮，將何以上

答天慈，下安民庶，臣當務修農稼，率勵遠人，勤

其嘉惠，以副勤卹，無任云云

爲劉同州謝上表

或云

不似公文亦殊質健

臣某言伏奉某月日制除臣同州刺史兼本州  
防禦營田長春宮使某月日到州上任訖臣初  
奉綸言震并無極及臨所部驚懼逾深投軀莫  
報於乾坤陳力無裨於造化臣某誠惶誠恐頓  
首頓首臣出自書生不習為吏有恆懦之質  
惟音臣如切弱也無區處之能託跡儒門乏仲弓南面  
之德委身即署闕馮唐論將之對常懼叨冒清  
列蕪穢聖朝豈意天聽忽臨鴻恩眷及八命作  
牧一麾出守按自下位寄之雄藩非臣庸瑱所

宜唐據况馮翊州即同密邇王都古稱三輔爰自

近代命秩逾崇有兵食之虞有宮室之制皆公

卿將相出入由之仰徵甲令俯窺圖記跼蹐

地張云跼蹐足切以競以惶恩重命輕不知所

効庶當刻精運力一本作刑夙夜祗勤上奉雍

熙旁流愷悌以日繫月儻或有成庶幾之心

標增惕徒望雲而就印喜近帝鄉將擊壤以成

風共歌堯代天威咫尺敢布丹誠無任悃懇屏

營之至



代裴行立謝移鎮表穆宗時恐非宗元所作

星言即駕便道之藩。祗荷寵榮，不敢寧息。臣某

爰自弱齡，即忝推擇。階緣試吏，累忝清資。先聖

憲以臣粗知兵要，俾統師徒。交蠻傲擾，黃賊不

馴。奉詔俾臣撲滅氛祲，士眾賈勇。賈音古，左傳成公二年

賈音古，左傳成公二年餘勇思酬，渥恩冀因此時。得立微效，豈謂時

多疫癘，不副憂勤。知臣特深復洗，瑕責夙夜。感

戴捐軀，有期徒增憤勇。力未從願，微臣不幸。曩

奉命重遊，泣血摧肝。載崩載咽，陛下穆宗龍興御

極寰海，永清道暢。八埏延禮二音也感加九域，鴻

和普洽。靡不周泰，伏蒙累垂休命。遂越等夷，循

省何人，過膺抽擢。况臣比臨此鎮，備更夷險。故

材舊壤，宛在目前。裴行立前為安南都護，雖則殊鄉

還同衣錦，量巨螯之力，未足負恩。猶蚊蚋之微焉。

能報德，將何以宣揚聖造，撫慰疲羸。唯當遵守

詔條，貶棄奸慝，平勻僭賊。示以義方，持清淨以

臨人，守無私以奉國。重修前志，再礪戈矛。展駑

駘之効，申鷹犬之用。庶荒陬夷獠，瓜老音書

村疑休  
村大音  
本村

沐皇風率土生靈備聞斯慶微臣之志也限以  
云云

代韋永州謝上表

此應用文字兼備論事之體

臣某言伏奉月日制書除臣永州刺史以月日  
到州上訖受命若驚臨職弥懼臣以無能累更  
事任神州赤縣實所備嘗過量逾涯每深兢惕  
不謂聖恩推擇濫駕朱輪祿秩徒增詎施乳哺  
之惠服命虛受寧興襦袴之謠况此州地極三  
湘俗參百越左衽居推髻之半

推傳追切髻者一髻

之善其形如推

可墾乃石田之餘

左傳哀公十一年曠

牧守於再秋弥驕獷俗

獷古猛附也

代征賦

於三郡重困疲人分炎本出於一時積弊遂餘  
於十稔撫安未易知法出而姦生子育誠難懼  
力勞而功寡夙夜憂切不敢違寧庶當宣布天  
慈奉揚神化以日繫帛儻或有成少裨愷悌之  
風用荅生成之造無任感恩殞越之至

謝除柳州刺史表

元和十年

無一字不妙

深婉悽此可謂

諸本此表有皆云伏奉三月十三日制除臣使持節柳州諸軍事守柳州刺史

六月二十七日到任上訖

早以文律參於士林德宗選於衆流擢列御史  
陛下嗣登寶位微臣官在禮司百寮稱賀皆臣  
草奏臣以不慎交友旋及禍訛一本訛許容切  
聖恩弘貸謫在善地累更大赦獲奉詔追遠離  
十年一見宮闕親受朝命牧人遠方漸輕不宥  
之辜特奉加憂之寄銘心鏤骨無報上天謹當  
宣布詔條竭盡駑蹇皇風不異於遐邇聖澤無  
間於華夷庶答鴻私以塞餘罪云云

柳州謝上表貞元中代人作

臣某言伏奉詔書授臣柳州刺史以今月二日  
至部上訖謝中臣前歲以久停官秩去年蒙聖恩  
除替便劾裂裳裹足趨赴京師以舊疾所嬰弥  
年未愈逮及今夏始就歸途襄陽節度使于頓  
與臣早歲同官見臣當暑在道懇留在館  
尋假職各意欲厚臣非臣所願伏惟陛下光被  
之德道以洽於區中憂濟之勤心每徧於天下  
常以萬邦共理必藉於循良一物不遺尚延於

愚貌墨角切假臣寵渥重領方州驚駭復效於

奔馳枯朽更同於華秀謝臣聞潢汚易竭抑有

朝宗之願犬馬無識猶知恋主之誠揣分則然

惟天知鑒况臣昔因左官漢書仕諸一紀于外

子牟馳心於魏闕魏子中山汲黯積思於漢庭

豈非夫人獨無斯恋去就者榮辱之主朝廷者

仕進之源臣子之宜忠貞所志臣雖心同犬馬

而分比潢汚幸躡康衢意非往蹇臣之此誠口

不能喻意欲悉達文非尽言此臣所以自咎自

恨復乖志願猶冀苦心勵節上奉詔條惠寡

貧下除人瘼恭宣皇化少答鴻私不勝慌欣之

至董音荒情雅曰忘也

代廣南節度使李裴中丞自代表

或云當作桂中丞

前件官器宇深沉天才間出爰從撫字逮於察

廉所職恪勤庶務皆勸日者安南夷獠反叛害

其連帥元和十四年安南賊陽清節都護府殺

毒痛黎人其皇帝以其威惠茂著自某州

刺史俾之撫臨

是月憲宗以惠州刺史桂仲武為安南都護

夙夜經

行盡除兵器賊徒識恩黨種歸義

仲武至安南遣人說其首

秦數月間

炎荒之俗靡不底寧後改鎮容州

宗

長慶二年以仲武為客省經略使

勲效彌顯澄清庶類邁德前

修深負能名合遷重鎮臣自惟凡懦不逮前人

伏乞天恩迴授某非惟旌德是亦飾能庶微臣

免尸祿之憂某獲無私之舉

表薦從事表

某績茂戎軒才優管記操刀必割豈謝剝犀

行時被責免會草露布與表待馬前

落筆不依寧慙倚馬

北征表虎

况早登科

况早登科

運風洽時譚匪惟詞藝雙美抑亦器能多適此

於流輩頗為滯淹輒敢薦陳伏希獎錄

代廣南節使謝出鎮表

元和四年出鎮

鴻霈曲臨惶駭交集捧對綸綵不知所圖

中

臣聞蕭曹佐漢六合為家爽望匡周萬方同軌

臣幸以芻蕘累忝殊榮天德存臨遂加台政不

能翊宣明聖增日月之光俾兗渠勅絕勅切子人

用康寧寔由臣不稱職使此艱患伐檀興議負  
乘招譏常懷覆餗之虞轉音敢望專征之寄獻  
得未遠展効有期希此微功上荅殊造無任云  
云為楊湖南謝設表貞元十八年楊通

臣某言中使其乙至奉宣聖旨賜臣長樂驛設  
者恩榮特殊宴飲斯及顧茲厚禮猥集微躬臣  
某誠歡誠慶頓首頓首臣以多幸屬此昌時任  
重方隅職忝文武甘受素飡之刺知無肉食之  
謀左傳節公十年曹劌曰以憂以惶寢寐無措

豈謂鴻恩繼至豐膳爰來陸海兼陳餼醴皆設  
一本庶當奉揚聖澤覃布遠人流愷樂於皇  
威均乳哺於赤子少陳微效上荅殊私無任感  
恩欣躍之至

為武中丞謝賜櫻桃表

武元  
白佳王詩柳表及以相考

臣某言中使其乙至奉宣聖旨賜臣櫻桃若干  
者天賸特深時珍降寵驚里巷恩溢圓方臣  
某誠喜誠懼頓首頓首伏以含桃之羞時令攸  
責月令仲夏况今採因御苑分自天厨使發九

霄集繁星而積耀味調六氣承湛露而不晞盈  
皆而外被恩光皆疾智才皆也適口而中含渥澤  
顧慙素食弥切自公豈圖君子所先遂戢小人  
之腹左傳昭公二十八年而巳戢息康切無任  
云云

謝賜時服表代人

祗荷寵私啓處無地臣辦臣久忝朝行歷職無  
效時服在蕭星紀偷榮歲時不能少益聖燕以副深  
寄敢使賊遺君父後漢明艱難未息台處嚴憲

以正國章伏以陛下恢天覆之恩廣地載之厚  
不循彝典俾曰兕紱重劇立山捧戴以入闈門  
空知夕惕裁絰而為衣服固可書行內省疲駑  
將何答效

謝賜端午綾帛衣服表

綸言曲臨寵服荐至跪奉殊錫慶躍交并臣辦  
臣謬典方州效微涓滴叨承大貺榮重丘山非  
才忝恩俯伏慙荷未明啓節御府賜衣沐聖澤  
而溟海方深被仙衣而鶴龜齊壽馳心向闕踟

影望天。慙分五嶺之憂。莫副九重之詔。臣無任  
云云

增廣註釋音辯唐柳先生集卷之三十八

增廣註釋音辯唐柳先生集卷之三十九

奏狀

為廣南鄭相公奏百姓產三男狀

鄭綱  
得體存質

右臣所部貞節坊百姓某妻產三男者。臣詳究  
往例。實謂休徵。已量事給絹三十疋。充其乳養  
者。伏以陛下勤卹黎元。感通天地。靈心昭答。景  
福已興。方使億兆繁滋。區夏克初。音初故表祥  
於字育。是啓運於升平。事杏化源。慶延邦本。鱗  
羽之瑞。曾何足云。臣幸列藩維。嘗叨樞近。私賀

今制但  
未五石  
布十疋  
折銀



之至

為薛中丞浙東奏五色雲狀

元和薛中丞薛平或云薛戎

右臣得管内台州奏月日五色雲見者一州官  
吏僧道耆老悉皆瞻覩已具奏聞并寫圖奏進  
著伏以景雲上瑞王者祉符煥彩彰之在天知  
聖德之昭感伏惟陛下化孚有截道洽無垠承  
天地之貞明導陰陽之和氣遂使紛紛郁郁自  
東而徂西若煙非煙一旬而再至徵諸古牒事  
罕前蹟伏乞宣付史官以昭簡冊

為裴中丞奏邕管黃家賊事宜狀

裴錄

右今月四日邕管奏事官嚴訓過稱押衙譚叔  
何等與黃家賊五千餘人謀為翻動雖已誅斬  
猶未清寧當時差本道同十將某至邕管界首  
賓州以來迎探事宜兼為聲援昨得十四日狀  
并嚴訓狀報同其黃家賊並已退散各歸洞穴  
訖伏以鼠竊狗偷非足為患陛下威靈遠被神  
化旁行遂使姦狡之謀先期而自露按一本回  
邪之黨不戮而盡夷伏恐飛章已達吉語未聞

尚軫天心猶煩廟祀臣謬居方鎮忝接壇界所得事宜不敢不奏

讓監察御史狀

宗元為監察御史裏行

此狀可為李愬舉進士之一證

右臣伏準名例律諸官與父祖諱同者不合冒榮居之臣祖名察躬今臣蒙恩授前件官以幼年逮事王父也相禮律之制所不敢踰臣不勝進退惶恐之至謹詣光順門奉狀以聞伏聽勅旨貞元十九年閏十月日具官臣某奏奉勅新除監察御史柳宗元祖名察躬準禮二名不編諱

禮律逮事父母則諱王父母不逮事父母則不諱王父母

不合辭讓年月日檢校司空同中書門下平章事杜佑宣

為京兆府昭應等九縣訴夏苗旱損狀

右臣謬領京畿已逾兩月政術無取誠懇莫申遂使兩澤憊時田苗微損夙夜兢懼寢食靡遑今長安一十四縣並準常年例全徵其昭應等九縣臣各得狀並令詳審各絕隱欺謹具別狀封進臣當府夏稅通計約二十九萬石以上其所損矜免祇當三萬石有餘恤人則深減數非

廣伏以聖慈弘貸憫念蒸黎臣忝職司不敢不  
奏無任慙懼之至謹錄奏聞伏聽勅旨

為南承嗣請從軍狀父南齊雲

故某官贈某官某乙男某官某乙

右臣亡父至德之歲死節睢陽雅宣佳切陛下每降

鴻恩必加褒寵臣自七歲即忝班榮承嗣七歲為婺州別

駕垂五十年常居祿秩再守遐郡為施浩二績州刺史

用無成終貽官謗耳就嚴譴劉闢反承嗣以無

以負荷先志報効殊私以慙以懼隕越無地伏

見某月日勅元和十一年十月以王承宗負恩干紀命

將徂征雷霆所加殄滅在近臣竊不自揆思竭

忠誠願預一卒之任以答百生之幸庶得推鋒

觸乃摩壘舉旗左氏傳靡旗摩壘近其

獲盡於微誠儻不墜於遺烈踴躍之至夙夜不

寧敢希皇明俯鑒冊懇臣聞周官考藝國子置

車甲之司周禮夏官子掌國子之車甲漢道推

恩孤兒備羽林之用武帝養死事之孤兒千秋思奮

於事越漢武帝時南越呂嘉反韓千秋奮仲孺

期死於奔吳前漢灌夫字仲孺父死吳軍中夫奮白願取吳王若將軍頭以報父仇遂驅義激君親名高竹帛臣雖無似有慕昔人雖身塗草野死而不朽披肝瀝血昧死上陳無任懇迫忠憤之至謹錄奏聞伏候勅旨

進農書狀

農書二卷

右伏奉某月日勅宜以二月一日為中和節所司進農書永以為恒式者貞元五年詔臣伏以平秩東作虞書立制俶載耒耜周雅垂文此皆奉天帝以授人盡地方而豐食自陛下德宗惟新今

歲益厲農功既立典於可傳每陳書而作則耕鑿之利敷帝力於嘉謨稼穡之難動天心於睿覽勤勞率下超邁古先凡在率土不勝幸甚前件農書謹函封進謹奏

代人進瓷器狀

瓷器才資切陶器之緻堅者

瓷器若干事

此一本無

右件瓷器等並藝精瑳瑳

承音延和土也

制合規模稟至德之陶蒸自

無苦窳

窳遊於切空也

合大和以融結

克保堅貞且無瓦釜之鳴

賈誼賦黃鐘毀是

瓦釜電鳴

土。錙之德。錙音刑當作型瓦器也。以盛器。慙。瑚。錙。宗廟之器。祭。貢。異。器。丹。禹。音。奴。石。中。矢。鏃。既。尚。

質而為先。禮記郊祭器用。亦當無而有。用。堦。墮。

以為器當其謹遣某官某乙隨狀封進謹奏。無有器之用。

柳州舉監察御史柳漢自代狀。元和十年。

右某准從前赦文常參官上後舉一人自代者。

元和六年。伏見前件官頗有才行長於政術久歷

嶺南使職臣之所知敢舉自代無任懇迫之至

上戶部狀

左降官負外置同。負。津。判。舊。用。戶。部。省。負。關。官。錢。九。今。請。改。授。正。官。占。關。下。用。上。件。力。每。年。約。計。數。萬。貫。

右伏以左降官是受責之人都不釐務戶部錢

是準勅收貯不合別支又所授負外官亦非舊

制宗元在末州日見百姓住宅公驗有司戶李

憲判給處足明皆是正官今請悉依故事為準

並廢負外所置凡在貶黜授以正負責其成功

俾無虛授貯錢既免支用加數足應軍須實莫

負不濫分官無曠職謹狀

柳州上本府狀

上桂管觀察府

稟誠救兄莫湯以竹刺莫果右臂經十日身死其莫誠禁在龍城縣準律以

他物歐傷十二日幸幸內死者各依殺人論

右奉牒準律文處分者聲去已帖縣準牒待秋

分後舉處分訖伏以中丞裴行慈惠化人孝悌

成俗屬吏所見皆許申明至公之下敢竭愚慮

竊以莫誠赴急而動事出一時解難為心豈思

他物救兄有急難之戚中臂非必死之瘡不幸

致殛捕非本意按文固當恭守撫事似可哀矜

斷和方迎於深衷肅身不遑於遠慮律宜無赦

使司明至當之心情或未安守吏切惟輕之願

況俟期尚遠稟命不遙伏乞俯賜興哀特從屢

法幸全微命以慰遠黎則必闔境荷慈育之恩

豈惟一夫受生成之賜儻以律文難變使牒已

行則伏望此狀便令廢格音輕賜塵蹟惶戰交

深謹錄狀上奉聽處分

為裴中丞伐黃賊轉牒裴行 補並盧王

當管奉詔與諸管齊進當管桂管也 廣南等路

大中此修訂已  
非以用遊名動  
之以必從

討邕管草賊黃少卿漢軍馬步等若干人各具

兵馬數及軍將若干前牒奉處分竊以天啓昌

期大功畢集神開輿運微惡盡除黃少卿等

稔逋誅舉宗肆暴黃洞有領黃少卿少度

特狡兔之穴踰伏偷安綠二祖頭

之丘跳踉見恠徒孽魚列切切扶也

以為威孤不射天網可逃侵逼使臣墮

犯王略恣其毒虐速我誅鋤敵國盡在於舟中

吳走還師已期於席上家語謂宜投戈頓顙面

縛乞身歸郡邑於王官效黎獻於天吏而乃繕

兵補卒增壘閉途正當天討之辰更積鬼誅之

罪莊子為不善於幽閻衆輕聞蟻勇劣怒蛙非

之越王伐吳欲人之輕死也出見怒蛙乃為織

縞當強弩之初強弩之末不能入魯縞孤

憤肥牛之下年牛雖瘠憤于豚上其畏不死事

同拾芥力易摧枯杪忽蜂腰虛見辱於齊芥

突梯鼠首濫欲寄於旄

頭突頭胡星也天子前駢勦絕有時勦子不索何

獲秦何宰切左某拱稽致命稽注拱持也稽蔡

計云或籍執銳忘生車甲既備於小戎鯨鯢豈

逃於誅戮左傳宣公十二年取其鯨鯢以俞不義

帥中權左傳宣公十二年謂軍中制謀戰士義激於

身心列校勢成於臂指蹶張之技盡出於山林

能潘云蹶音厥前漢以材官蹶張有蹶張之士師古

日今之弩以手張之曰蹶張律有蹶張之士師古

前漢甘延壽傳投石張以距注額師古曰按距者

實德香餌令布疾雷莫不鼓舞我行虞恭師律

投軀不憊於羽檄簡長二尺急召急則并以高

示也跂足唯俟於牙璋典瑞注牙璋以爲牙

故以發兵今月某日奏事官米蘭迴捧受詔命

神飛首勇足蹈心馳懽聲洽於萬夫勝氣橫於

千里國容不入覆且及於寢門司馬法古者

不入國也生傳宣公十四年楚子不

家事勿閑土已填於左闔夫自

元出出夫人送王不出屏乃闔也

也王出出夫人送王不出屏乃闔也



此年注孫子  
見勝不過者  
人之所知非善  
善者也待師衣  
以明有國善之  
功焉公此注教  
孫子而司取備衣

即以月日全軍出次分道並進所期勳力敢告  
同心孔大夫御史大夫嶺南節度使孔戣貞直冠時清明格  
物全體許國一心在公兵精食浮為日固久容  
府揚中丞揚當作陽御史中丞以義烈為已任  
勳襲太常安南李中丞御史中丞王太子皇之李  
以英武為家風業傳彝器並膺邦寄克達皇威  
南則浮海濟師共集堂堂之陣東則橫江誓眾  
用成善善之功以此鼓行坐觀盡敵刑性勿喜  
諒有可哀微側之勇冠一方竟就伏波之戮

高跡女子微則反伏呂嘉之威行五嶺終摧下

波將軍馬援斬之瀨之師潘云瀨音賴前漢武帝紀甲為下瀨將

嗟此陋微自貽擒滅勉成良畫速致殊勳雖荒

微之地固不勞於有征微吉弟切邊隅而昇平之年將

自此而何事書之竹帛實謂揚名事須移牒隣

管以成犄角舉牒者犄居綺切偏引也左氏管

之注犄其足也

賀誅淄青逆賊李師道狀賀中書門下

右今月三日得知進奏官某報前件賊以前月

九日克就梟戮者伏以天啓聖期神資良弼必

有懲討以致昇平蠢爾兇渠敢行悖亂締交於

雷霆之下承締丁詒切憲宗討吳元濟李師道王

臣效逆於化育之辰逞豺聲以欺天恣狼心而

犯上嘉謨克協威命旁行破竹寧比其發機走

丸未喻於乘勝濁河清濟曾無溝洫之虞禮切

濁河貫大峴琅邪不聞涯岸之隄峴胡切天兵四

合賊眾屢摧然後赦劫脅之辜許其歸復寬註

誤之典期以撫循註音卦前文帝紀濟外怛皇

威中威聖德雖在梟鏡集聖志注集鳥名食肉

豈不知歸是以未極誅鉅遽聞內

噴鯨鯢已戮見東海之無波氛沴盡銷仰太陽

之普照功格于天地化合于陰陽一德方繼於

尚書降神自同於周雅遂使垂白遺老再逢天

寶之安摺紳諸生遠期貞觀之理某特承朝奠

謬列藩臣常以突刃觸鋒未為効節膏原潤草

豈足酬恩寤寐撫心不違寧處今則削平之際

慙無尺寸之功開泰方初徒受丘山之寵無任

憤激屏營之至，抃舞歡慶，倍有恒情。

賀平淄青後肆赦狀賀中書門下云

某官某乙右某伏奉二月二十二日德音，以淄青削平，慶賜大洽，率土之內，抃躍無窮。伏惟周威三監，但明誅放之罰，漢平七國，更嚴斬殺之科。未有前拜覆瓿，况渠撫存疑，類威暫行而德洽，誅纒及而恩加。操兵者悉獲歸休，秉耒者更聞優復。與之種食，羅章豐以貨財，疾苦盡除，鰥孤咸育，身戰死之，以有增以賞延憐，刃傷之肌，存其廩。

給滌山川之舊，河申節義之餘，究功多受三事

之祭詩三事大夫注三事三公元初十四年

同平節著，有十連之寵禮記十國以高連之

官節交使較然，逆順益以彰明，和氣遠周，罷七

旬之干羽，仁風溥暢，收六月之車徒，寰海永康。

夷夏均慶，某忝司戎旅，獲奉昇平，當伊尹無耻

之辰，見咎繇惟輕之德，結抃躍之至，倍萬

恒情，無任慶賀之至。

賀分淄青諸州為三道節度狀賀中書門下

無字未穩

右某伏見某月日制分淄青諸州為三道節度  
都團練觀察等使者害氣盡除和風溥暢裂壤  
既分其形勝經野必正其提封河濟異宜海岱  
殊服八命作牧無開威福之源十國為連已肅  
澄清之政鼠無夜動左傳襄公二十三年鴉  
變好音水惠澤豈俟於宗朝仁化寧期於必  
代論語必世遂使琅邪即墨田生無慮其異謀  
前漢書曰北有獨河之琅非親子但聞其善祝  
左傳昭公二年有

大字本  
三行拾分  
貼齊魯  
所以獨工

以相公譽參禹績制出蕭規規曹也光輔聖  
神永康恭獻其獲逢開泰忝守方隅拚躍之誠  
倍百恒品

代裴中丞上裴相賀破東平狀裴行立

右伏以逆賊李師道克就梟擒已具中書門下  
狀賀訖某忝居末屬同族特受深恩踊躍不寧  
輒復披露竊以自古中興之主必有命代之臣  
一德同功以叶休運故申甫方邵成宣王復古

之勲申伯召虎吳鄧寇耿致光武配天之業

吳陶此皆上下齊志中外悉心雖成功則

多而陳力甚易豈若閤下捷拔英氣邁越常流

獨奕聖慕以昌鴻業廟略初定異議紛然詆訕

盈朝萋斐成而萋音斐閤下秉心

不惑定命彌堅討淮右之兇則下車而授首滅

元服恒陽之虜則馳使而華心裴度遺柏者說

獻德棟况師道惡檢禍盈鬼怒神怒恣行悖慢

取一罪歎詆天兵四臨所至皆捷次又捨其將校

許以歸還罪止一夫恩加百姓豺狼感化裴

懷仁裴聖堯切自致誅夷以成開泰萬方有慶

四海無虞遂令率土之人盡識太平之理成德

大業振古莫儔然則布政明堂勒功東嶽光垂

後祀輝映前王神化允屬於聖君崇勲實歸於

宗褒慶賀之至倍萬怕情

為裴中丞乞討黃賊狀一本丞字下

其材質無堪授任非次當有事之日忠懇莫施

遇成功之辰慙憤空積陳力之志誓死不渝伏

惟仁恩終賜展効今者中華寧謐覺畢切異類

服從唯此南方尚餘寇孽伏以黃少卿等憑培

塿以自固童云培薄口切塿力狗切自關而合

莖脆以為強潘云莖寸脚切斬芻也脆此莖切

劫脅使臣侵暴列郡雖狐鼠之

陋無足示威而蜂蠆之微猶能害物邁切必資

翦伐方致殫庶盡駑駘之勞以答恩榮之重撫

心踴躍夙夜不寧私布丹誠敢期明鑒無任感

激屏營之至

為桂州崔中丞上中書門下乞朝覲狀

右某幸遇文明叨承委寄理戎典郡十有四

載元和五年闕庭神魂飛越頃在邕州刺史崔詠

累陳誠懇諺尸進律之寵於民者

未遂執珪之願左傳朝相公膺賢輔聖大叙

彝倫中外之臣出入更踐某自領桂管又逾

周元和八年十一月崔詠桂企鸞驚於紫霄

獨無羽翼仰星辰於黃道徒竭丹誠况正月會

朝遠夷皆至六歲來見要服有期要一

重石一  
李休上  
相狀

執珪同  
曹王

一豈使班超之望長懸東漢班超上疏曰

依風子牟之戀空積江子胡之上心馳

下伏乞特申微願錄受冗貧徵故事而不遺揆

夙志而斯畢入天子之國願附禮於小侯拜宰

相之車敢希榮於上客一本上無任懇禱屏營

之至輕贖威重戰汗伏深謹狀

為南承嗣上中書門下乞兩河効用狀

右伏以越敗夫羞多會稽納官之子孤語

趙摧栗腹即長平死事之

孤武成王十五年粟臨擊殺死長平其孤未壯可茂也燕師至

何者義烈之餘色氣猛厲上將効於國

用下欲濟其家聲所以憤激悽愴常思致命者

也其先父死難睢陽琦陷睢陽害南

事存簡冊累降優詔榮及子孫爰自繼繼超昇

品秩南承嗣以父死事七歲肉食稟給未嘗暫

停頃守涪州屬西蜀通逆承嗣為涪州判將致

死命以盡夙心寢文嘗膽志願未究晉劉琨

嘗膽會刀筆之吏實以深文有級之差今復

謹前漢馮唐曰雲中守魏尚坐上一功意欲之

謫不能自明車後有上書諸之意者以軍還載之

人加之粟守無事之官拳拳血誠無所陳露伏食

見明制興師討伐怕與元和十一年制前事

誅其才非古人志慕前列願得身當一隊効死

或行胡剛竭平生之忠懇申幽明之冤痛撫劍

心往發言涕零嘗聞漢法有奮擊匈奴者諸侯

不得擁遏又况丞相揔軍國之重定廊廟之謀

固當弘獎無所弃掄伏乞哀憫收撫以成其心

無任懇迫惶恐之至

柳州上中書門下舉柳漢自代狀元和十年

右伏準元和六年十月十七日勅常參官授上

後三日內舉一人以自代便具所舉人兼狀上

中書門下者今奏請前件官自代謹連狀

為長安縣耆壽詣相府乞奏復尊號狀

德宗此等一字不遺有所示喻

時

柳漢



長安等縣耆壽某乙若干人右某等伏以生長  
明時游泳皇澤鼓腹且知於帝力食毛敢忘於  
君恩左傳昭公七年食土之毛誰非君臣注毛草也竊見近者祥瑞所  
呈周於百郡豐稔之報均于四方有以知上玄  
降靈誕告嘉應彰我君文明之化仁育之恩大  
道既行鴻名未舉是以殷勤昭著如斯而不已  
者也某皆陶煦純仁成此耆老生既無補死而  
何求唯願上聞帝閣復建尊號用彰聖德以報  
皇慈披露血誠伏守天闕糜軀碎骨猶生之年

謹以今日詣光順門輒進表訖伏惟相公贊  
明主共致太平而使名號尚赫天人失望草野  
愚鄙切有感焉伏望敷奏之際開陳其要俾下  
情允達大願克從退就泉壤樂而無恨輕贖國  
相伏待典刑謹狀

為京畿父老上府尹乞奏復尊號狀

京兆

尹韋  
夏卿

長安縣耆老某乙等若干人右某等幸以羸老  
獲覩昇平蹈舞薰風謳詠壽域譬之草木何以報

國朝大  
字本六  
相

天寤寐焦勞不知所措伏見聖君臨御玄化升

聞瑞應匝於萬方張云匝作谷切與而同豐穰窮於四海

神祇注意天地傾心覺悟生人必有為者一作必

將有蓋以挹損徽號近二十年盛德益光大名

未復致遠邇積慮幽明憤懷故自古以來嘉瑞

之至未有如今歲之盛也斯乃上玄深旨下人

懇誠勤勤相符正在於此某等眷戀明時朝夕

是切唯願早復大號以契天心庶得聖政益光

為化彌遠少遂踊躍之甚今請詣光順門進表

昧死上陳伏以待郎道合君臣惠敷黎庶儻遂

收採愚慮致貢天庭俾草萊微誠得達萬乘非

所敢望惶懼伏深謹狀

增廣註釋立日辯唐柳先生集卷之三十九

增廣註釋音辨唐柳先生集卷之四十

祭文哭辭

一本無哭辭字

祭楊憑詹事文

元和十二年

年月子婿謹以清酌庶羞之奠昭祭于夫人之

靈

宗元喪憑弟楊凝文為憑之從子婿或云即憑之婿也一本子婿字下有使持節柳州諸

軍

事守柳州卿雲輪臥卿即慶字天漢始回自

然物外寧雜塵埃公稟間氣間居心靈洞開

翔自得誰辱群猜孝友忠信聞于九垓音搗華

發藻其動如雷世榮甲林林進士甲科亦矜顯

處

作於一本

公之後德有而不顧御史之選朝之

所注公勤于養投劾引去

憲繫事節度府召為監察御史不樂檢局

免自時任方隅威刑是務公施其惠亦莫有選

石盈路貞元中京兆尹李實賤通州長史市里

免公捍其強仁及章焉元和四年遷自江

而擁道牽慕道峻多謗德優見憎煩言既詆

倚洪斯繩憲與御史中丞李夷簡素有隙夷簡

憲與簡有隙夷簡

東逾秣陵自臨 顛沛

三載天書乃徵入傳王國嘉聲聿興自為

詹事東宮致政是膺太子詹事 年唯始至道則

彌勵頡頏今古童云頡頏音杭又音剛

顏優游德藝實期濟發再光文陛誰謂昊天遽

茲降厲嗚呼哀哉某以通家承德夙奉良姻莫

成子姓早喪淑人貞元十五年子厚妻楊 恩禮

斯重眷撫惟新綢繆其志實敬實勤迨今挈然

十有八祀家缺主婦身廷萬里謗言未明黜伏

逾紀德輝間絕音塵莫俟歲首發函視遠如迹

雖當沉痾心術猶治撫膺頓首流泣瞪視

蓋切直視既歛而還莫傳音旨嚮風長慟於

茲已矣嗚呼哀哉承訃之始以地既逾載馳斯

文出拜路隅哀從海溢禮致皇都寸誠相

續終歲不渝天道悠遠人世多虞寄心双表

長恨囚拘嗚呼哀哉

祭穆質給事文

一本作祭穆撫洲文

昭祭于給事五丈之靈自古直道鮮不顛危禍

萬及其先公之子厚所適之

之重輻則繫盛衰矯矯明靈克丁聖時形軀獲

宥三黜無虧賢良發策始振其儀天子動容敬

我直辭貞元元年德宗策賢良問以天旱穆質對言兩溪故事三公當免卜式著說弘

宗喜之載之冊府命以諫司穆質以制策自

抗奸替否與正為期奏書百上知無不為誰謂

劉賈劉向賈誼英風莫追給事黃門奉職樞機封還

付外動獲其宜實累廷給事中政事無曠尔位

惟公在斯連道之行實惟交友患難相死其廢

自久公實毅然誓切悔咎挺身立氣不改其守

默刺南菴義言盈口

元和四年京兆尹楊

州刺封章致命志期殞首邈矣高標誰嗣于後

王命南下郡符東剖流滯湮淪殲此遐壽

及行而卒未嗚呼哀哉公之伯仲信惟先執

禮云見父之執執友也穆質穆質穆賞並感激

之風道同義立中司守直奸權是襲致之微纒

誣以期入瑣瑣其徒榜訊愈急

務簿更切筆也

盧岳妻分財事持平不阿中丞盧絳與幸

其詔下三司議于洛邑噫我先君邦憲是輯

同止贊弟賞請關總登聞鼓訟冤詔三司使

州司馬平反羣枉

三揖昨五故女左傳哀公二年三危法旋加讚

言俄及左官夔國

侯曰義夫掩泣邪臣既黜乃進其級

遺則公在即位再罹擯抑時忝憲司竊分枉直

抗辭犯長有志無力惟韓洎劉

憤霑臆道之不行銜媿罔極公在左掖議登秋

官先定于志將發其難決白無狀以申禍端秉

心撰詞義不可干會逢友累累力偽切謂坐身楊憑善而坐貶請

曾莫自安感于緒中緒中呂切佐傳成公三年荀整之在楚也鄭賈人有

將實諸褚中以出既諾之未行而楚人有涕洟

瀾瀾涕垂睫而流瀾注涕泣闌干嗚呼哀哉受官

父駭狼荒萬里禮不可違誠不可弭抽哀洩憤

舒文致美願翹海風以窮洛浹清明如在神鑒

何已嗚呼格思以慰勤止

祭呂衡州温文呂温字化光

元和六年歲次辛卯九月癸巳朔某日友人

守永州司馬真外置同正真柳宗元謹遣書吏

同曹書吏姓名家人襄兒奉清酌庶羞之奠敬祭于

呂八兄化光之靈嗚呼天乎君子何厲天實仇

之生人何罪天實讎之聰明正直行為君子天

則必速其死道德仁義志存生人天則必夭其

身吾固知蒼蒼之無信莫莫之無神今於化光

之歿怨逾深而毒逾甚故復呼天以云云天乎

痛哉堯舜之道至大以簡仲尼之文至幽以繫

千載紛爭。或失或得。俾乎吾兄。獨取其直。貫于  
化始。與道咸極。推而下之。法度不忒。旁而肆之。  
中和允塞。道大藝備。斯為全德。而官止刺一州。  
年不逾四十。佐王之志。沒而不立。豈非修正直  
以召災。好仁義以速咎者耶。宗元幼雖好學。晚  
未聞道。泊乎獲交君子。乃知適於中庸。削去邪  
雜。顯陳直正。而為道不謬。兄實使然。嗚呼。積乎  
中。不必施於外。裕乎古。不必諧於今。二事相勸。  
一本書從古至少。至於化光。最為大甚。理行第

一尚非所長。文章過心。略而不存。夙志所蓄。幾  
然可知。貪愚皆貴。險狠皆老。則化光之天厄。反  
不榮歟。所慟者。志不得施。蚩蚩之民。不被化光  
之德。庸庸之俗。不知化光之心。斯言一出。內若  
焚裂。海內甚廣。知音幾人。自文明彫喪。志業殆  
絕。唯望化光。伸其宏略。震耀昌大。興行於時。使  
斯人徒知我所立。今復往矣。吾道息矣。雖其存  
者。志亦死矣。臨江大哭。萬事已矣。窮天之英。貫  
古之識。一朝去此。終復何適。嗚呼。化光。今復何

夙志

四字從  
古字本始



神亦曰道云爾  
寫其神極其既  
及今而傳之文身也

為乎止乎行乎。昧乎明乎。豈蕩而為大空。與化  
無窮乎。將結而為光輝。以助臨照乎。豈為雨為  
露。以澤下土乎。將為雷為霆。以泄怨怒乎。豈為  
鳳為麟。為景星為卿雲。卿即慶字以寓其神乎。將為  
金為錫。為圭為璧。以栖其魄乎。豈復為賢人以  
續其志乎。將奮為明神。以遂其義乎。不然是昭  
昭者。其得已乎。抑有知乎。其無知乎。彼且有知  
其可使吾知之乎。幽明茫然。一慟腸絕。嗚呼。化  
先庶或聽之。

昭神志  
李中丞

祭李中丞文

御史官屬共祭

維貞元二十年歲次甲申五月某朔二十二日。

故吏儒林郎守待御史王播將仕郎守殿中侍

御史穆贄當作贊字奉議郎行殿中侍御史馮邈承

奉郎守監察御史諱祥泰宣德郎行監察御史范

傳正文林郎守監察御史劉禹錫承務郎監察

御史裏行柳宗元承務郎監察御史裏行李程

等謹以清酌之奠。敬祭于故中丞贈刑部侍郎

李公之靈。惟公堅占六守。道繫廉成。德當官秉。彝

注傳正字  
西光程  
表臣

公人者惟馮邈者  
無向焉可極極一毫  
之妙。區矣文所云。慎擇  
察吏必於之。材之者  
真。無如存。惟牛失  
其名也。

卓爾孤直高節外峻純誠內植臨事不回執心

無惑矯矯勁質一本質擢於天枝式是邦族榮

其羽儀發跡內史參其軍事古今內史地自下劇

上直詞屢至山自下劇于後受邑

歷撫疲人公去逾久人滋味呻復從京邑辟署

司錄振其綱條端我旬服黠吏屏氣屏必貪官

室慾赫赫有命登于王庭邦賦以修國用是經

實抗其長以奉準程校其簿書無失奇贏奇音

音盈謂殘餘物也進為正郎旬會是專句古侯古侯

也乃刺乎商虎節登山出西商化塔為沃音

音致夷於艱道途謳歌有詔徵還丞我

御史執其憲矩糾述之志直清是舉慎擇察吏

必薪之楚毛詩楚二錯薪言刈其楚終始七載

不忘祇勤事無觀瞻道有屈伸阜囊密啓忠懇

屢陳令望逾重名卿是屬拖紳遽聞引也論語

云疾君視之東卷衣已復招魂也禮記喪大記

首加朝服拖紳禮備贈贈作贈贈

恩加命服恩加命服恩加命服

夢有時寤之倫切厚也寤音夕夜也歲月逾感  
播等猥備官屬况當薦延承其規模奉以周旋  
迄或逾月遠則累年咸承至公官守獲全故事  
盡在遺風藹然俯仰庭除顧慕潺湲致成一觴  
拜訣堂筵嗚呼哀哉

為韋京兆祭杜河中文

韋夏卿祭杜確

維年月日甲子京兆尹韋夏卿謹以清酌之奠  
敬祭于故河中節度贈禮部尚書杜公之靈自  
古其帥恒在諸儒晉登郟穀亦以詩書却乞

律三軍謀兀帥趙奪日卻書爰及近代二柄殊途授鉞之臣率由武夫時  
惟明靈道冠學徒天子有命摠其戎車何以邦  
之維絳及蒲州名並屬河中有山有河殿此大都殿下  
鎮焜燿昌時振宣後學命服之盛光于列岳謂  
保豐福永縻王爵壽如何期神不可度待洛嗚  
呼哀哉大歷之歲詔徵茂才時忝同道一作俱  
起草萊懷策既陳綸言煥開考第居甲大曆二年  
與弟正卿及確同自天昭回分命邦畿夏卿初

步武獲陪同志為友星霜屢迴長我十年禮

宜兄事記曲禮十年以周游歡洽莫不如志于

後多幸謬列周行注行戶剛切詩實彼周行

朝廷臣也左傳襄公十五年又同制書並命文昌

及余稍遷吏部為郎公屬中兵此焉分行夏卿

部負外郎確為再獲聯事東西相望望音出處

同道樂惟其常後余出刺九載南服事復卿自給

州刺史公自左輔遂膺推轂推通回切史記

河中晉州刺史杜我勤魏關爰

總九流貞元十五年夏為吏誰謂河廣願言

莫由烹魚之問往復相疇惠好斯厚惟以網羅

網直由切余弟宗鄉獲庇仁宗章宗卿為命佐

廉問忘其愚魯假以羽翼俾之騫翥騫音軒

幸惠文義義惠文冠也秦時法赤紱在股紱音

作帶諸侯以赤韋為之榮映斯極從容何補

承慶惟深報恩無所嗚呼哀哉天子震悼哀我

良臣密印追贈尚書禮毅四方興嗟况此故人

循念平昔徘徊悲辛卜葬斯及禮儀畢陳敬薦

行潦洩哀茲辰嗚呼哀哉

為韋京兆祭太常崔少卿文章韋夏卿

維年月日甲子京兆尹韋夏卿謹以清酌庶羞

之奠敬祭于亡友故太常少卿崔公之靈惟靈

率是良志蹈其吉德炳蔚文彩周流孝殖承職

氏夫孝殖也注孔氏之訓專其傳釋黃老之言

探乎幽曠土革切六書奧秘是究是索六書一曰

指事二曰會意四曰假借五曰轉注並字叩爾玄關保其真

宅藝成行備披雲騁跡康莊未窮爾雅道五

謂之濛汜已極濛音似楚辭注汜水涯也

極濛水嗚呼哀哉夙歲同道從容洛師書洛詩

洛師唐接袂交襟以邀以嬉策駕嵩少嵩失弓切少失

東都照切嵩高少室二沂舟灑伊笑味周

星左轉一星終其樂熙熙丹青可望青雲可期

洛中十友談者榮之惟鄭洎齊各登鼎司鄭餘

映或喪或存山川是遠繫我夫子繫與切宜

相清時命之不遐孰不悽悲嗚呼哀哉往佐居

守及爾同寮笑邀交歡匪夕則朝入同其室出

聯其鑣

甲騎切馬銜也

投文報章既歌且謠及我為郎

優游吏部公為御史持憲天路文陞徐趨眷戀

相觀歡愛之分有加于素自我于邁歷刺東吳

離憂十年復會名都余為侍郎銓摠攸居實得

茂彥奉其規模聯事合情又倍其初我尹京兆

公亞奉常步武相望佩玉以鏘謂保輸樂長此

翱翔抱疾幾何忽焉其亡嗚呼痛哉原念往昔

愛均骨肉我有書笥盈君尺牘寤言在耳今古

何速失涕興哀匍匐往哭撫筵一呼心焉摧刺

本日月逾邁佳城遽卜素車千里遠迤山谷

遺於危切

晦爾精靈藏之斧屋

孔記檀弓孔子曰吾見若復夏

屋者矣見若斧者矣馬鬣封之謂也

嗚呼哀哉丹旌即路祖奠在

庭六此昭昭就爾冥冥敬陳河酌以告明靈

雅河酌彼行潦往水之薄者遠酌取之

臨觴求慟庶寫哀誠嗚呼

哀哉伏惟尚饗

為李京兆祭楊凝郎中文 李實

維貞元十九年歲次癸未四月辛未朔某日檢

校工部尚書京兆尹司農卿李實謹以清酌庶

羞之奠敬祭于故兵部郎中楊公之靈惟靈清

標霜潔馨德蘭薰冲和茂著孝友彰聞濬發洪

緒激揚清芬思侔德祖思蘇恣切後漢揚脩字德祖學紹子

雲揚雄二事瑩彼靈府彬其英文吐論冠時舒

華軼羣音百氏之奧一言可分旁貫釋老豈

伊典墳謂躡公相躡切贊揚聖君高山安仰逝

水沄沄嗚呼哀哉惟是伯仲並為士則疑兄

有名連擢首科大曆九年憑中進士第第迭居顯

職公之懿美發自朋僚播于四方令問克昭炯

然稱讚卓爾孤標翼翼其容羽儀清朝載筆東

投動無不紀披夷益切疑為起草南宮時論增

美邕申明封賤正聲第開正封大梁有艱天子是

使貞元十二年為宣武軍節度判官是密勿

之謀唯道是履復歸郎署職茲中矣貞元十八年

簡稽無撓以考其成周禮遂嬰病於何孰云積善

英風未摠沉疴遠嬰病於何孰云積善

以促齒昔歲江表獲同宴語謬為好仁不我

遐阻公之元元謂揚復惠德音優游多暇眷時

逾深清言盈耳尺素相尋冀效競爽左傳昭公三年晏子

二惠競爽猶可又焜耀儒林及此彫落祇摧

我心嗚呼哀哉遣車就引雜記注遣車載所包

遺奠而藏之者大哀挽先路聚者喪家之樂執

相迅風悽悲頽景幽暮傾都殄瘁揮涕相

顧別茲故人誰任痛慕潢汗一觴詎馮平素尚

為安南楊侍御祭張都護文祭張舟

維年月日故吏某職官某敬祭于故都護御史

中丞張公之靈交州之知南極天際禹績無施

秦強莫制或賓或叛越自漢世聖唐宣風初鮮

事歲稍臣卉服漸化推髻推傳追切卒為華人

流我愷悌士變之理惟公克繼三國吳志上

交趾大半在郡二勤勞遠圖敷贊嘉惠銅柱南

表前功載修元和元年張舟自安南經略副使

正封空道北出空與孔同張嘗傳樓式遏蠻貊

將侯切聚居梯航連連旌旆悠悠輻湊都會皇

威以流方荷天寵宜公宜侯聲馳帝鄉魄降炎



州禮記辨則降謂死也嗚呼哀哉公昔試吏時推清能

公音乘輅輅音選使者車謂人知準繩鯨鯨以

安征賦用登柱史稍遷郎曹繼昇程功佐理海

裔斯澄張用三歷御史檢校尚書禮部員外郎

使乃紀南方專任是憑謂遷檢校太子右庶子

丞克本官經略禮分五玉恩錫百朋尚書修五

安元處置等使禮分五玉恩錫百朋開府辟掾羣

詩善音茂錫我百朋注古者貨開府辟掾羣

命加服賜有楚冠用慙豸角豸音羊神羊解

曲直楚王嘗獲星言赴命注望幃幃幃一本

險如夷瞻程非邈伯氏左宦謂待御爰滯中途

流連隱憂言念涕濡子姓莫在使命頓殊一本

令兢魂吊影敢廢斯須情留江徼音夢結天隅

恩切有裕詩此令兄弟義乘從役顧慕長慟展

轉增惕齋力猶在此宜作旅詩旅力方剛注旅

中賜屢激方俟銷憂未期投跡謙德不福法

星降災延懸遽徹札詔大夫死故不徹懸注

駟訃爰來駟音日撫躬益恨循顧增哀瞻容莫

及報德何階。輶車北轅。輶音也申莫克諧望。

拜徒至音塵。永乖南州斗酒。後漢曹操祭橋玄墓曰：隻雞斗酒，過

相沃庶寫幽懷。

祭萬年裴令文。裴謹字

惟靈孝交之性，寔惟天與。飾以儒書，洽其譽處。

枵然其量。枵音也。枵，虛也。切疑當作嗚。虛，大也。廓爾其

字。人以義來，我以身許。褰裳赴急，不避寒暑。交

半域中，多容鮮拒。賢於博奕，媚茲謙語。或泛或

沉，兩得其所。考禮成文，隆章克舉。唐自開元

章累聖陵寢皆因事。手經裴瑾任拉黃裳。本崇陵豐陵。禮儀乃撰。二陵集禮藏之。海州展

樂承職音官式序。裴瑾為太常主簿。既聯奏復

謂二陵亦圖荀虞。音筭。巨懸鍾磬者。橫曰荀。植曰筭。

播在奉常，未傳儀矩。脫略細謹，傲忽煩言。坦然

自居，無顧仇怨。也。文選：空負百年怨也。志。卒成官

謗，莫究禍源。坐黜中徙，再期騰騫。音軒。飛兒下

金川。循吏所。蕭御史按章具。孰云蓄憤遽此歸。

魂嗚呼哀哉。世稱姻黨，鮮克終吉。唯我與君，久

而逾密。追惟淑德，嬪于君室。嬪音也。上順尊卑。

南州用徐孺子祭黃瓊事

下歡倚匹致其孝敬式是仁恤爰及童孩處心

勿失君之仲季聖兄弟聖弟植茂於文術游藝相

從操觚散帙操觚有文音孤選文賦或

用之以書猶今之簡也五臣注顧余寒劣厠迹

奔逸莊子顏回曰夫子奔逸二紀于今交情若

一屢開彫缺互見遷黜契闊伶俜潘云契結切

注勤苦也伶音零俜音丁也流洛兒分形間質間音

之方期末路稍追曩日時不我謀於焉斯畢營

營衛群兄弟之獨守邦袂想其求哀淮海蕭瑟嗚

呼哀哉聞疾馳簡其命未返翩其訃書來自番

禺音番音潘禺音愚番禺塊守窮荒山夔與

居音越人謂之山操人面猴身能言獨足有眉

不申有志不舒况逢零悴當此囚拘掛膺長慟

長慟何如一本作天菲禮無取沉哀有餘嗚呼

哀哉

祭呂敬叔文呂恭字敬叔

維年月日朔友人從內兄守永州司馬負外置

同正負柳宗元謹以酒肉之奠致祭于亡友呂

敬叔之魂嗚呼鞠躬歷聘或以不答孔子屠漁

乖離夫何克合太公望屠於朝大或不容小或

見遺往來逢迎今古參差參初金切惟子之中

忠勇充之以誠與物退受其疵智謀宏長辯論

恢竒巖義博大岩一本與世異姿何付之器而

躋於時躋音常曰余武王功是期誓耆道力以

達皇威耆渠伊切又音旨邊鄙不靖俾供輿師

左傳成公二年毋令輿師隨入君地輿衆也呂

恭為山南西道掌書記江西團練使參軍桂管

防禦使嶺南諸侯順道戎貊咸宜今其沒矣哀

志之遠知之無補世又罕短嗚呼哀哉昔與子

游尚疑其志及觀其長誠任其事日異其能歲

增其智進如川行浩浩而遂天乎有亡中道是

棄余慎取友惟心之處周遊人間餘二十年擯

辱非耻非揚非賢一貫于道無四五焉子之我

知不以事遷言而見信貌阻心傳我黜終世子

知於前徒和子志誰信我言與子俱已孰云後

知惟子之凡謂已志同義比官刺一州四十而

死子壯方初百年有幾如何默默去我適已

有釋之妻有弱之予海瑞東周號哭萬  
里通周禮封人置其飾此謂求州葬網之行獲出於  
此通周禮封人置其飾此謂求州爰陳酒肉  
式嘉且旨讀茲哀辭以奠而誅魯水嗚呼敬叔  
吾道已矣尚饗

祭崔君敏文刺州

夫產崑崙者難為玉植鄧林者難為木公以令  
重顯于華族藝遂六書字書學該七錄阮者  
恥此黃老惟丁恬於寵辱入補黑衣戰國策左

更得補黑衣之數以衛王宮謂出參旬服

三源藍田尉三紀綱淮海政令惟肅書為

邑皆屬京兆謂敏遷揚州宰制岳濱周於仁育謂為許州

錄事參軍今儲闡典議直清攸屬之欲切謂自揚州久次

推能二州繼牧謂為歸州刺至于星邦率由舊

俗和易勿亟優游自足既有少吏勤于庶獄妖

誣除珍淫祠剪覆出令三歲人無怨讟徒谷進

律未行歸神何速某咸以罪戾謫茲炎方公垂

惠和枯槁以光鳴壺適野泛鷁以湘單云鶴歷切亦作

鴻首廣筵命樂華燭飛觴高歌屢舞終以無

荒紛慮斯侏憂懷暫忘良時不再斯樂難常今

其奈何顧慕感傷嗚呼室有迭去川無息流追

懷曩辰恍若夢迹莫徹中寢魂遷乘舟邦人永

思匍匐隱憂况我懷德心焉若抽潔誠可嗟殯

藻非羞

祭段弘古文

世病乎直人悅其和行而不容雖聖柰何提其

信義誰與同波硜硜以終硜立耕切堅不可磨

得其人交擇其益弘古見李景倫昌

京倫遜乃南見劉禹錫柳宗元二始如可進終

會于厄精誠介然將貫金石追思懷舊興詞憤

激君昔來辱備聞嘉言宵會北堂晝宴南軒去

適乎越弘古南抵容州實辟過桂桂守不日其

旋載除我屈望爾北轅今者之來丹旄有翩閑

茲英志限此中年嗚呼哀哉君實斯貧有子而

幼孰云履信惟天所佑道途之資敢廢于舊志

君之行銘石斯授有繁其觴有楚其豆庶鑒于

誠臨茲饗備

祭李中明文李行敏字中明

致祭于亡友中明之靈夫子之道邈以恒兮夫  
子之志勵以兢兮求中慊未若履冰兮孰仁以  
孝實烝烝兮唯毀死腐禮其他莫懲兮一本作誰毀死  
禮莫秉端守一信厥明兮月踰歲長行若登  
兮外溫其顏內類繩直兮謾言來加不遽陵兮  
舉世羣非自視弘兮庶優游于道大賚是承兮  
掩亮舒抑與類升兮胡茫茫其不信卒以禍仍

兮豈鞫忠哀信一作履信一作裏鬼所憎兮將

言吾欺終不可徵兮吾方期子于暮莫有興兮

今而弃余志若崩兮若將援而上喪厥肱兮但

其殞心交背膺兮水之綿綿山萬層兮又淫以

雨雪紆委咽礧兮細綺疏切礧鷓鴣夜啼

群暝凝兮鷓鴣夜啼魂鬼以

行中道殘疏兮集韻巨吳切唐音其可憐兮鬼屬

鬼出貌疏又其魘魅焉可憐兮鬼屬

可觀虎切何切責也怒也與同聊致吾慎斯言孰

稱方慎一本

哭張後餘辭并序 經緯激壯

後餘常山張氏，孝其家，忠其友，為經術甚邃，而文少，余七年，頗第畜之，與之居，終日冲然，忘其有人與之言，鏗爾而厲辯，而歸乎中，凡人有道而不顯於世，則曰非其世也。一本无則道而得乎世，然猶不顯，則曰命。猶一本命之微不可知知而索乎外者，曰性與貌。後餘之性，可謂良矣。其貌可謂肅矣。一本无博實弘裕，宜為大官。

仍是天說之言  
此救渾駭

壽老求其所以夭，賤無可得焉。既得進士明年，瘞發辭卒。後餘之死，人咸痛之，曰：天之佑善人而殺是子，何也？激者曰：天之殺，怕在善人而不肖。莊周之說，以為人之君子，天之小人。張君豈天所謂小人者耶？是二者又非論之適也。吾謂善與惡，天與壽，貴與賤，異道而出者也。無取喜怒於其中。道之出者多，其合焉者固少。是以君子之難貴且壽也。後餘母老而喪，良子東西，若助之哭焉。况其知者耶？然後餘不與諂冒者。

如文四

十一

子不辨  
本注  
道之出其  
誰為者固  
多  
東家九  
有行  
柱一本



同貴不與恃亂者同壽歸潔乎身聞道而死雖  
勿哭焉可也嗚呼一本此下更使既聞道而且  
貴且壽則其顯庸也遠矣又烏能勿痛乎遂哭  
之以辭嗟嗟張君善不必壽惟道之聞一曰為  
老人皆反是百稔猶幼子之優游是亦黃者嗟  
嗟張君寵不必貴尊嚴為仁早服高位淫諛肆  
慾銀艾淪弃長印艾子之崇高無媿三事吾見  
皤皤而童皤博切赫赫而辱進襦袴於几棹負泥  
塗於晷暇已雖有餘人視不足子之跡不混乎

其間者幸也宜賀而甲宜歌而哭吾其過乎與  
其寵而加貴善而加壽道施于人慶及于母從  
容邦家樂我朋友豈不光裕顯如歟而不克也  
則乎而哭者其無過乎嗚呼

楊氏子承之哀辭

并序楊

楊氏子承之既冠有成人之道其明年四月不  
幸而夭其外姻解人柳宗元為之慟且出涕噫  
是子也氣淳以愿志專以勤確然而直方吾未  
知其止也作辭賦書論其言甚偉余方愛之謂

可以為器者。故不知慟且出涕。况其親戚者乎。  
凡天之生物也。不類。精寵紛瘧。一本作瘧賢愚混  
同。或遠而合。或親而殊。然則雖人親戚。亦將有  
不克知其美者。若楊氏子者。其親戚皆賢。咸得  
知之者也。使知之。徒以增其悲。怨號之聲。無  
為也。用是為之辭。以相其哀焉。相息亮切  
葆醇熙兮承貞則。懿文章兮好循直。誠耿介兮  
又綽寬。學之勤兮行彌專。質圭璋兮文虎豹。超  
凌厲兮馳聖道。九和與兮志求遠。道之遠兮足

先焉。有母嗷嗷兮。有弟哀號。嗷音世父孔悲兮。  
湘水滔滔。去昭曠兮。沉幽冥。魂冥冥兮。竟難託。  
雜一本死者靜兮。生者愁。子之淑兮。徒增憂。志  
作誰甚良兮。命甚蹇。子之生兮。又何欲。悲吾耳兮。動吾  
神。誰使子兮。淑且仁。嗚呼已乎。不可追。終怨苦  
兮。徒何為。徒一本  
作獨

增廣註釋音辯唐柳先生集卷之四十一

同辭  
讀過

三

Handwritten text in vertical columns, including a large blacked-out section. Visible characters include '行' and '年'.

金

十

程